

Platform kongsi idea inovasi, penyelidikan

GONG BADAQ - Fakulti Informatik dan Komputeran (FIK) dan Fakulti Reka Bentuk Inovatif & Teknologi (FRIT) Universiti Sultan Zainal Abidin (UniSZA) dengan kerjasama Universiti Multimedia menganjurkan Persidangan Antarabangsa Informatik, Komputeran dan Matematik Gunaan 2017.

Program yang berlangsung di Bangunan Akademik, UniSZA Kampus Gong Badak itu dilaksanakan sebagai platform untuk berbincang serta berkongsi idea mengenai bidang inovasi dan penyelidikan.

Timbalan Dekan (Penyelidikan & Inovasi) FIK UniSZA, Dr Mohamad Afendee Mohamed berkata, persidangan itu merupakan medan perbincangan ilmu dan peluang untuk mendapatkan pandangan pakar dalam topik-topik berkaitan komputeran, informatik serta matematik gunaan.

Menurutnya, penganjur turut berhasrat untuk mencari peluang mengadakan penyelidikan bersama dan pembangunan produk dengan pakar dari dalam serta luar negara.

"Justeru itu, semua pihak yang terlibat dalam persidangan ini diharap dapat memanfaatkan peluang yang ada dengan sebaik-baiknya untuk meningkatkan keupayaan masing-masing," katanya.